

ЎЗБЕКИСТОН РЕСПУБЛИКАСИ ДАВЛАТ МУЛКИ ҚЎМИТАСИ
ХУЗУРИДАГИ ҚИММАТЛИ ҚОҒОЗЛАР БОЗОРИ ФАОЛИЯТИНИ
МУВОФИҚЛАШТИРИШ ВА НАЗОРАТ ҚИЛИШ МАРКАЗИ
БОШ ДИРЕКТОРИНИНГ
БҒЙРУҒИ

281 Қимматли қоғозлар Марказий депозитарийси томонидан акциялар эгалари реестрини қабул қилиш тартиби ва ҳужжатли акцияларни ҳаракатсизлантириш механизми тўғрисида Вақтинчалик низомни тасдиқлаш ҳақида

*Ўзбекистон Республикаси Адлия вазирлиги томонидан 2009 йил
12 июнда рўйхатдан ўтказилди, рўйхат рақами 1968*

(2009 йил 22 июндан кучга киради)

Ўзбекистон Республикасининг «Қимматли қоғозлар бозори тўғрисида»ги Қонунига (Ўзбекистон Республикаси қонун ҳужжатлари тўплами, 2008 й., 29-30-сон, 278-модда) ва Ўзбекистон Республикаси Вазирлар Маҳкамасининг 1996 йил 30 мартдаги 126-сонли қарори билан тасдиқланган «Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази тўғрисида»ги низомга (Ўзбекистон Республикаси Ҳукуматининг қарорлари тўплами. 1996 й., 3-сон, 11-модда) мувофиқ **буюраман:**

1. Қимматли қоғозлар Марказий депозитарийси томонидан акциялар эгалари реестрини қабул қилиш тартиби ва ҳужжатли акцияларни ҳаракатсизлантириш механизми тўғрисида вақтинчалик низом иловага мувофиқ тасдиқлансин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киритилсин.

**Қимматли қоғозлар бозори
фаолиятини мувофиқлаштириш ва
назорат қилиш маркази
бош директори**

К. ТОЛИПОВ

Тошкент ш.,
2009 йил 6 май
2009-27-сонли

Қимматли қоғозлар бозори фаолиятини
мувофиқлаштириш ва назорат қилиш
маркази Бош директорининг
2009 йил 6 майдаги 2009-27-сон
буйруғи билан
ТАСДИҚЛАНГАН

**Қимматли қоғозлар марказий депозитарийси томонидан
акциялар эгалари реестрини қабул қилиш тартиби ва ҳужжатли
акцияларни ҳаракатсизлантириш механизми тўғрисида
ВАКТИНЧАЛИК НИЗОМ**

Мазкур Вақтинчалик низоми Ўзбекистон Республикасининг «Қимматли қоғозлар бозори тўғрисида»ги (Ўзбекистон Республикаси қонун ҳужжатлари тўплами, 2008 йил, 29-30-сон, 278-модда) Қонунига мувофиқ Қимматли қоғозлар марказий депозитарийси (кейинги ўринларда — Марказий депозитарий) томонидан акциялар эгалари реестрини қабул қилиш тартиби ва ҳужжатли акцияларни ҳаракатсизлантириш механизмини ўрнатади.

I. Умумий қоидалар

1. Мазкур Вақтинчалик низомида қуйидаги асосий тушунчалар қўлланилади:

депонентлаш — ҳужжатли акциялар бланklarини депозитарийларга сақлашга топшириш;

ҳаракатсизлантириш — ҳужжатли акцияларни очиқ сақлашга депонентлаш;

охирги реестр — реестр юритишни амалга оширган шахслар маълумотлари бўйича 2008 йил 22 июлдаги иш кунининг охирига шакллантирилган қимматли қоғозлар эгаларининг рўйхати;

рўйхатга олиш журнали — акцияларга бўлган ҳуқуқларнинг ўтиши, шунингдек акциялар эгалари реестрида (кейинги ўринларда — реестр) рўйхатга олинган шахс номига ёзилган акциялар сонининг ўзгариши билан боғлиқ ёки акцияларга мажбуриятлар юклатилиши фактини акс эттирувчи бошқа ҳар қандай ходисалар тўғрисидаги ёзувларни хронологик тартибда ўзида сақловчи журнал;

рўйхат — депозитарийлар тизими маълумотлари бўйича 2008 йил 22 июлдаги иш кунининг охирига шакллантирилган қимматли қоғозлар эгаларининг рўйхати;

қимматли қоғозлар бозорини тартибга солиш бўйича ваколатли давлат органи — Ўзбекистон Республикаси Давлат мулки қўмитаси ҳузуридаги Қимматли қоғозлар бозори фаолиятини мувофиқлаштириш ва назорат қилиш маркази;

ҳужжатли акциялар эгаси (кейинги ўринларда — эгаси) — ҳужжатли

акциялар мулк ҳуқуқи ёки бошқа ашёвий ҳуқуқ асосида тегишли бўлган юридик ёки жисмоний шахс;

эгасининг вакили (кейинги ўринларда — вакил) — эгасининг номидан ишончнома ёки топшириқ (воситачилик) шартнома асосида иш олиб боровчи шахс.

2. Депозитарийлар тизимидан ташқарида сақланаётган, давлат рўйхатидан ўтган, шунингдек депозитарийдаги эгасининг депо ҳисобварағида сақланаётган ва ҳисобда турган ҳужжатли акциялар мазкур Вақтинчалик низомда белгиланган тартибда ҳаракатсизлантирилиши керак.

3. Ҳужжатли акциялар билан битимлар фақат улар ҳаракатсизлантирилгандан сўнг амалга оширилади.

4. Эгаси мустақил равишда ёки ўз вакили орқали ўзига тегишли ҳужжатли акцияларни депозитарийга ҳаракатсизлантириш учун топширишга ҳақлидир.

5. Депозитарий эгасидан ёки унинг вакилидан ҳужжатли акцияларни қабул қилишни фақат эгасида депозитар шартнома мавжуд бўлган тақдирда амалга оширади.

Эгасида депозитар шартнома йўқ бўлган тақдирда, у мустақил равишда ёки ўз вакили орқали депозитар шартнома тузишга ҳақлидир.

Вакил орқали депозитар шартнома тузишда эгаси томонидан вакилга бериладиган ишончномада эгаси номидан депозитар шартнома тузиш ҳуқуқи, шунингдек ҳужжатли акцияларни депозитарийга топшириш ҳуқуқи кўрсатилади.

6. Ҳужжатли акциялар, улар ҳаракатсизлантирилгандан сўнг депозитарийлар тизимида ҳужжатсиз акциялар учун белгиланган тартибда ҳисобга олинади.

7. Марказий депозитарий эмитентга эмитентнинг ёзма сўрови олингандан сўнг икки иш кунидан кечиктирмасдан Рўйхатни тақдим этишга мажбур.

8. Эмитент мазкур Вақтинчалик низом кучга кирган кундан бошлаб бир ой ичида Марказий депозитарийга қуйидагиларни топширади, мазкур Вақтинчалик низомнинг 10-бандида назарда тутилган ҳолат бундан мустасно:

а) Мазкур Вақтинчалик низомга 1-иловага мувофиқ шаклда расмийлаштирилган қоғоз ва электрон кўринишдаги Охирги реестр. Бир бетдан кўпни ташкил қилувчи Охирги реестр тикилган, орқа томонида эмитентнинг, шунингдек Охирги реестрни тузган шахснинг (реестр ихтисослаштирилган реестр сақловчи томонидан юритилган тақдирда) асосий муҳри билан тасдиқланган бўлиши зарур. Охирги реестрнинг бетлари рақамланган бўлиши лозим.

б) Мазкур Вақтинчалик низомга 2-иловага мувофиқ шаклда расмийлаштирилган Рўйхат ва Охирги реестр маълумотларини Солиштириш далолатномаси (кейинги ўринларда — Солиштириш далолатномаси).

9. Қимматли қоғозлар чиқарилишларида эгасининг номи ёзилган ҳужжатли акциялар мавжуд бўлган эмитент Охирги реестр ва Солиштириш

далолатномаси топширилган кундан бошлаб икки ой ичида Марказий депозитарийга қуйидагиларни топширади, Мазкур Вақтинчалик низомнинг 10 ва 11-бандларида назарда тутилган ҳоллар бундан мустасно:

а) қоғоз ва электрон кўринишдаги рўйхатга олиш журнали. Қоғоз кўринишдаги рўйхатга олиш журнали тикилган, орқа томонида эмитентнинг, шунингдек Охирги реестрни тузган шахснинг (реестр ихтисослаштирилган реестр сақловчи томонидан юритилган тақдирда) асосий муҳри билан тасдиқланган бўлиши зарур. Рўйхатга олиш журналининг титул варағида уни юритишнинг бошланган ва тугатилган санаси тўғрисидаги ахборот кўрсатилади. Рўйхатга олиш журналининг бетлари рақамланган бўлиши зарур.

б) реестрни юритишга тегишли бўлган ва 2008 йилнинг 23 июлига қадар реестрга ёзувлар киритишга асос ҳисобланган ҳужжатлар (кейинги ўринларда — реестрни юритиш тизимининг ҳужжатлари). Агар реестрни юритиш тизимининг ҳужжатлари ҳажми 200 бетдан ошиб кетса, улар алоҳида жилдларга ажратилиши лозим. Ҳар бир жилд бўйича электрон ва қоғоз кўринишда хронологик тартибдаги рўйхат тузилади. Қоғоз кўринишда тақдим этилаётган рўйхат эмитент раҳбарининг имзоси ва мазкур эмитентнинг асосий муҳри билан тасдиқланади.

10. Мазкур Вақтинчалик низомнинг 8 ва 9-бандларида белгиланган талаблар мазкур Вақтинчалик низом кучга кирган санасига қадар Охирги реестр, Солиштириш далолатномаси, рўйхатга олиш журнали ва реестрни юритиш тизимининг ҳужжатларини Марказий депозитарийга топширган эмитентларга татбиқ қилинмайди.

11. Агар реестр юритиш депозитарий томонидан амалга оширилган бўлса, рўйхатга олиш журнали ва реестрни юритиш тизимининг ҳужжатлари белгиланган тартибда ушбу депозитарийда сақланади.

12. Ҳужжатли акциялар улар ҳаракатсизлантирилганидан сўнг белгиланган тартибда Марказий депозитарийда сақланади.

Бу ҳолда акциялар эгаси ҳаракатсизлантирилган акциялар бланкларини беришни талаб қилишга ҳақли эмас.

13. Ҳужжатли акциялар Марказий депозитарий томонидан эмитентга акция чиқарилишини бекор қилиш ҳолларида қонун ҳужжатларида белгиланган тартибда йўқ қилиш учун берилади.

II. Марказий депозитарийнинг эмитентдан Охирги реестрни, рўйхатга олиш журналини ва реестрни юритиш тизимининг ҳужжатлари ҳужжатларни қабул қилиши

14. Марказий депозитарийнинг эмитентдан мазкур Вақтинчалик низомнинг 8 ва 9-бандларида назарда тутилган ҳужжатларни қабул қилиб олиши қабул қилиш-ўтказиш далолатномаси билан расмийлаштирилади.

15. Марказий депозитарий мазкур Вақтинчалик низомнинг 8 ва 9-бандларида назарда тутилган ҳужжатларни қабул қилиш ва кўриб чиқишни амалга

ошириш муддати уларни Марказий депозитарийга тақдим этилган санадан бошлаб бир ойдан ошмаслиги лозим.

16. Марказий депозитарий Охирги реестрни, рўйхатга олиш журналини ва реестрни юритиш тизимининг ҳужжатларини агар уларни расмийлаштириш мазкур Вақтинчалик низомнинг 8 ва 9-бандларига мувофиқ бўлмаса, эмитентга қайтаришга ҳақлидир.

17. Эмитент мазкур Вақтинчалик низомнинг 16-бандида кўрсатилган ҳужжатларни тегишли тарзда расмийлаштиради ва улар Марказий депозитарий томонидан қайтарилган санадан бошлаб ўн иш куни давомида уларни Марказий депозитарийга такроран тақдим этади.

18. Марказий депозитарий Охирги реестри маълумотлари асосида қуйидагиларни амалга оширади:

агар эгалари рўйхатдан ўтказилмаган бўлса, уларни депонентларнинг Ягона базасида рўйхатга олади;

агар эгаларга депо ҳисобварағлари очилмаган бўлса, уларга депо ҳисобварағларини очади;

агар эгасининг номи ёзилган ҳужжатли акциялар ҳаракатсизлантирилмаган бўлса, эгалар депо ҳисобварағларига, Охирги реестрда кўрсатилган эгасининг номи ёзилган ҳужжатли акциялар сони ва типига мувофиқ равишда «Ҳаракатсизлантирилиши лозим қимматли қоғозлар» — бўлимига кириш ёзувини амалга оширади;

Эмитентнинг депо ҳисобварағига тақдим этувчига тегишли ҳужжатли акциялар бўйича «Ҳаракатсизлантирилиши лозим жойлаштирилган тақдим этувчига тегишли ҳужжатли қимматли қоғозлар» махсус бўлимига кириш ёзувини амалга оширади.

19. Марказий депозитарий рўйхатга олиш журнали ва реестрни юритиш тизимининг ҳужжатларининг мазмунига жавобгар бўлмайди.

III. Ҳужжатли акцияларни ҳаракатсизлантириш механизми

20. Ҳужжатли акцияларни депонентлаш қуйидагича амалга оширилади:

а) Марказий депозитарийга:

қимматли қоғозлар бозорининг профессионал иштирокчиси томонидан — ҳужжатли акцияларни ташкиллаштирилган қимматли қоғозлар савдоларига қўйилганда;

эгасига хизмат кўрсатувчи депозитарий томонидан — бошқа ҳолларда;

жисмоний шахс учун — эгасининг меросхўри, юридик шахс учун — ҳуқуқ вориси томонидан;

б) эгасига хизмат кўрсатувчи депозитарийга — эгаси ёки унинг вакили, жисмоний шахс учун — эгасининг меросхўри ёки юридик шахс учун — ҳуқуқ вориси томонидан.

21. Эгасига хизмат кўрсатувчи депозитарий ва эгаси (эгасининг вакили, эгасининг меросхўри, эгасининг ҳуқуқ вориси) ўртасида тузилган, эгасига хизмат кўрсатувчи депозитарийнинг ваколатли шахси томонидан имзо-

ланган ҳужжатли акцияларни қабул қилиш-ўтказиш далолатномасининг нусхаси эгасининг депо ҳисобварағига унга тегишли ҳужжатли акцияларни сақлашга қабул қилиш ва эгасининг Марказий депозитарийдаги депо ҳисобварағидан ушбу эгасига хизмат кўрсатувчи депозитарийдаги депо ҳисобварағига ўтказиш учун асос бўлиб ҳисобланади.

22. Қимматли қоғозлар чиқарилишларида оддий ҳужжатли акциялар мавжуд бўлган эмитент депозитарийнинг ёки эгасининг сўрови бўйича мазкур акциялар бланклари (сертификатлари) эмитент томонидан тайёрланганлиги тўғрисида тасдиқлов беради.

Акциялар бланклари (сертификатлари) эмитент томонидан тайёрланмаганлиги ҳолларида, у мазкур факт аниқланган санадан бошлаб икки иш куни давомида шу ҳақда қимматли қоғозлар бозорини тартибга солиш бўйича ваколатли давлат органини ва тегишли тасдиқлов сўровини юборган шахсни ёзма равишда хабардор қилади.

23. Тошкент шаҳрида жойлашган депозитарий ҳужжатли акциялар қабул қилинган кундан бошлаб, беш иш кунидан кечикмаган ҳолда, Тошкент шаҳридан ташқарида жойлашган депозитарий, ойига бир мартадан кам бўлмаган ҳолда, Марказий депозитарийга ҳужжатли акциялар етказиб беришни амалга оширади.

IV. Эгасининг номи ёзилган ҳужжатли акцияларни ҳаракатсизлантириш хусусиятлари

24. Агар акция бланкида (сертификатда) бўш жой қолмаганлиги сабабли ўтказиш ёзувида эгасининг номи кўрсатилмаган бўлса, депозитарий Марказий депозитарийга топширилган Охирги реестрдаги маълумотлар асосида эгасининг номи ёзилган ҳужжатли акцияларни ҳаракатсизлантириш учун қабул қилади.

25. Агар эгасининг номи ёзилган ҳужжатли акцияларни топшириш вақтида акциялар эгаси Охирги реестрга киритилмаган ва унинг номи акция бланкидаги (сертификатдаги) ўтказиш ёзувида кўрсатилмаган бўлса, у Марказий депозитарийга ўзининг ушбу эгасининг номи ёзилган ҳужжатли акцияларни сотиб олганлигининг қонунийлигини тасдиқловчи ҳужжатларни тақдим этиши зарур.

26. Акциялар бланклари (сертификатлари) қалбакилигининг гумони мавжуд бўлганда, Марказий депозитарий қонун ҳужжатларида белгиланган тартибда тасдиқланган Депозитар ҳисоб ва ҳисоботларининг ягона қоидалари (стандартлари) «Қимматли қоғозларни сақлашга қабул қилиш» бўлимининг 46.2, 46.3-бандларига мувофиқ ҳаракатларни амалга оширади.

Бунда, Марказий депозитарий уч иш куни давомида уларга нисбатан шубҳа пайдо бўлган ҳужжатли акцияларни махсус сақлаш жойига қабул қилиш тўғрисида далолатнома расмийлаштиради ва ушбу акцияларни эгасининг депо ҳисобварағидаги «Текширувдан ўтмаган қимматли қоғозлар» бўлимига киритади.

V. Якуний қоидалар

27. Мазкур Вақтинчалик низом талабларини бузганликда айбдор шахслар қонун ҳужжатларига мувофиқ жавобгар бўлади.

28. Акциялар эгаси, эмитент, Марказий депозитарий ва номинал сақловчи вазифасини бажарувчи депозитарий ўртасидаги низолар қонун ҳужжатларида белгиланган тартибда ҳал этилади.

29. Мазкур Вақтинчалик низом талабларига амал қилиниши бўйича назоратни қимматли қоғозлар бозорини тартибга солиш бўйича ваколатли давлат органи амалга оширади.

30. Мазкур Вақтинчалик низом қимматли қоғозлар марказий депозитарийси билан келишилган.

*Қимматли қоғозлар
Марказий депозитарийси
Бош директори*

Ш. АБДУЖАББАРОВ

*Тошкент ш.,
2009 йил 6 май*

Қимматли қоғозлар Марказий депозитарийси томонидан акциялар
эгалари реестрини қабул қилиш тартиби ва ҳужжатли акцияларни
ҳаракатсизлантириш механизми тўғрисидаги Вақтинчалик низомга
1-ИЛОВА

«ТАСДИҚЛАЙМАН»
Акциядорлик жамияти
Бошқаруви Раиси

(Ф.И.Ш.)

(имзо)

«__» _____ 200__ йил

М.Ў.

ТУЗДИ

Реестр тузган ташкилот номи

(раҳбар Ф.И.Ш.)

(имзо)

«__» _____ 200__ йил

М.Ў.

ОХИРГИ РЕЕСТРИ

(акциядорлик жамияти номи)

2008 йил 22 июль иш кунининг охири ҳолати бўйича

Акциядорлик жамияти тўғрисида ахборот:

1. Тўлиқ номи: _____
 2. Қисқартирилган номи: _____
 3. Марказий депозитарийда рўйхатга олинган шахс коди: _____
 4. Устав фонди: _____ сўм.
 5. Акция номинали: _____ сўм.
 6. Чиқарилишдаги акциялар сони: _____ дона.
- шу жумладан:

ҳужжатсиз шаклда чиқарилган оддий эгаси ёзилган	_____ дона.	ҳужжатли шаклда чиқарилган оддий эгаси ёзилган	_____ дона.
ҳужжатсиз шаклда чиқарилган эгаси ёзилган имтиёзли	_____ дона.	ҳужжатли шаклда чиқарилган эгаси ёзилган имтиёзли	_____ дона.
ҳужжатсиз шаклда чиқарилган оддий	_____ дона.	ҳужжатли шаклда чиқарилган оддий	_____ дона.
ҳужжатсиз шаклда чиқарилган имтиёзли	_____ дона.	ҳужжатли шаклда чиқарилган имтиёзли	_____ дона.

Т/р	Марказий депозитарийда рўйхатдан ўтказилган шахс коди*	Қимматли қоғозлар сақловчиси номи	Мажбурият юклатилмаган акциялар сони						Мажбуриятлар	
			оддий		овоз бериш ҳуқуқсиз имтиёзли		овоз бериш ҳуқуқига эга имтиёзли		оддий	
			жами	шу жумладан, ҳужжатли шаклда чиқарилган оддий	жами	шу жумладан овоз бериш ҳуқуқсиз ҳужжатли шаклда чиқарилган имтиёзли	жами	шу жумладан ҳужжатли шаклда чиқарилган имтиёзли	жами	шу жумладан оддий ҳужжатли шаклда чиқарилган
1	2	3	4	5	6	7	8	9	10	11

юклатилган акциялар сони				Эгани тасдиқловчи ҳужжат**				ИНН***	ОКПО****	Манзил, телефон	
овоз бериш ҳуқуқига эга имтиёзли		овоз бериш ҳуқуқисиз имтиёзли		тип, серия	рақам	берилган сана	ким томонидан берилган			юридик прописка	почта манзили
жами	шу жумладан имтиёзли овоз бериш ҳуқуқига эга ҳужжатли шаклда чиқарилган	жами	шу жумладан имтиёзли овоз бериш ҳуқуқисиз ҳужжатли шаклда чиқарилган								
12	13	14	15	16	17	18	19	20	21	22	23

(«excel» форматида тўлдирилади)

Эгалар — юридик шахслар
Эгалар — жисмоний шахслар
Ишончли бошқарувчилар
Ҳужжатли шаклда чиқарилган оддий акциялар (чиқарилган ва муомалада бўлган акцияларнинг умумий сони кўрсатилади)

ЖАМИ:

Охирги реестрни тузиш учун масъул

(Бошқарма ёки бўлим бошлиғи Ф.И.Ш.)

(имзо)

Изоҳ:

- * Мавжуд бўлган тақдирда кўрсатилади.
- ** Жисмоний шахслар учун — паспорт ёки уни ўрнини босувчи ҳужжат.
- ** Юридик шахслар учун — давлат рўйхатидан ўтганлик тўғрисидаги ҳужжат.
- ** Юридик шахс ташкил этмаган хусусий тадбиркорлар (ХТ) учун — ХТни ҳокимиятда рўйхатга олиш тўғрисидаги ҳужжат.
- *** Жисмоний шахс учун — у мавжуд бўлса кўрсатилади.
- *** Юридик шахс ва ХТ учун мажбурий тарзда кўрсатилади.
- **** Юридик шахс учун мажбурий тарзда кўрсатилади.

Қимматли қоғозлар Марказий депозитарийси
томонидан акциялар эгалари реестрини
қабул қилиш тартиби ва ҳужжатли акция-
ларни ҳаракатсизлантириш механизми
тўғрисидаги Вақтинчалик низомга
2-ИЛОВА

(акциядорлик жамияти номи)

**Рўйхати ва Охирги реестри маълумотларини солиштириш
Далолатномаси**

2008 йил 22 июлдаги ҳолат
(акциялар эгасига тегишли акциялар сони ва типи ва
унинг анкета маълумотлари бўйича)

(далолатнома тузилган жой)

«___» _____ 200__ йил

Биз, қуйида имзо чекувчилар, ушбу Далолатномани шу ҳақда туздик-
ки, унга кўра акция эгасига тегишли акцияларнинг типи ва сони ва унинг
анкета маълумотлари бўйича Рўйхатдаги ва Охирги реестрдаги маълумот-
ларни солиштириш амалга оширилди.

Ўтказилган солиштирув натижаларига кўра қуйидагилар аниқланди:

1. Рўйхатдаги эгалар сони — _____ та
2. Охирги реестрдаги эгалар сони — _____ та
3. Типи ва сони бўйича фарқлар МАВЖУД/МАВЖУД ЭМАС
(тагига чизилсин)

(ушбу Далолатноманинг 3-банди бўйича фарқлар мавжуд бўлса, ушбу Далолат-
номанинг 3.1-бандига қаранг)

3.1. Типи ва сони бўйича фарқлар ушбу Далолатноманинг 1-иловасида
акс эттирилган*

4. Реквизитлар (анкета маълумотлари) бўйича фарқлар МАВЖУД/
МАВЖУД ЭМАС.
(тагига чизилсин)

(ушбу Далолатноманинг 4-банди бўйича фарқлар мавжуд бўлса, ушбу Далолат-
номанинг 4.1-бандига қаранг)

4.1. Реквизитлар (анкета маълумотлари) бўйича фарқлар ушбу Далолат-
номанинг 2-иловасида акс эттирилган*

* Ушбу Далолатноманинг иловалари унинг ажралмас қисми ҳисобланади.

Реестр юритишни амалга оширган шахс номи
(акциядорлик жамияти, депозитарий ёки ихтисослаштирилган рўйхатга олувчи)

(раҳбар лавозими)

(Ф.И.Ш.)

(раҳбар имзоси)

М.Ў.

Акциядорлик жамияти номи

(раҳбар лавозими)

(Ф.И.Ш.)

(раҳбар имзоси)

М.Ў.

«__» _____ 200__ й.даги
Далолатномага
1-ИЛОВА

**Рўйхат ва Охирги реестрдаги (анкета маълумотлари бўйича) маълумотлар
натижаларига кўра аниқланган фарқлар тўғрисидаги ахборот**

(акциядорлик жамиятининг номи)

T/р	Акция эгаси номи	Рўйхатга олинган шахс коди	Рўйхатдаги акциялар сони (дона)	Охирги реестрдаги акциялар сони (дона)	Акциялар сонидаги фарқ (3-устун айирув 4-устун)	Фарқ сабаби	Қимматли қоғозларга бўлган ҳуқуқларни ўзгартириш учун асос	Депозитарийда қимматли қоғозларга бўлган ҳуқуқларни ўзгартириш учун асос — ҳужжатнинг мавжудлиги	Фарқни йўқ қилиш бўйича ҳаракатлар		Изоҳ
									реестр юритувчи бўйича*	депози-тарий бўйича	
1	2	3	4	5	6	7	8	9	10	11	
(«excel» форматида тўлдирилади)											
I. Ҳужжатсиз шаклда чиқарилган оддий акция											
II. Ҳужжатсиз шаклда чиқарилган имтиёзли акция											
III. Ҳужжатли шаклда чиқарилган эгаси ёзилган оддий акция											
IV. Ҳужжатли шаклда чиқарилган эгаси ёзилган имтиёзли акция											

* 2008 йил 22 июлга иш кунининг охирига қадар реестр юретишни амалга оширган шахс

**Рўйхат ва Охирги реестрдаги (реквизитлар (анкета маълумотлари) бўйича)
маълумотлар натижаларига кўра аниқланган фарқлар тўғрисидаги ахборот**

(акциядорлик жамияти номи)

Т/р	Акция эгаси номи	Рўйхатга олинган шахс коди	Рўйхатдаги маълумотлар							
			Эгани тасдиқловчи ҳужжат				ИНН	ОКПО	Юридик манзил / рўйхатдан ўтган	Почта манзили / яшаш жойи
			тип, серия	рақам	берилган вақти	ким томонидан берилган				
1	2	3	4	5	6	7	8	9	10	11
(«excel» форматида тўлдирилади)										
1.										
2.										
3.										

Жадвалнинг давоми

Охирги реестрдаги маълумотлар							
Эгани тасдиқловчи ҳужжат				ИНН	ОКПО	Юридик манзил / рўйхатдан ўтган	Почта манзили / яшаш жойи
тип, серия	рақам	берилган вақти	ким томонидан берилган				
12	13	14	15	16	17	18	19